

G E N E S I S.

fin a mach o shluagh : bhris e mo choi'-cheangal.

15 Agus thubhairt Dia re h-Abraham, A thaobh Sharai do mhnà, cha toir thu Sarai mar ainm oirre^a, oir is e Sarah a h-ainm.

16 Agus beannaichidh mis' i, agus bheir mi dhuit mar an ceudna mac uaithe^b : feadh, beannaichidh mi i, agus bithidh i 'na màthair chinneach ; thig^c rìghrean phoibleach^d uaithe.

17 'An sin thuit Abraham air aghaidh, agus rinn e gàire ; agus thubhairt e 'na chridhe, Am beirear mac dha-san a ta ceud bliadhna dh'aois ? Agus am beir Sarah, a ta deich agus ceithir fichead bliadhna dh'aois, mac ?

18 Agus thubhairt Abraham re Dia, O gu maireadh Ismael beo a't' fhianais !

19 Agus thubhairt Dia, Gu cinnteach beiridh do bhean Sarah mac dhuit ; agus bheir thu Isaac mar ainm air : agus daingnichidh mise mo choi'-cheangal ris mar choi'-cheangal sìorruidh, agus r'a shliochd 'na dhéigh.

20 Agus a thaobh Imaeil, chuala mi thu : Feuch, bheannaich mi e, agus ni mi sìolmhar e, agus cuiridh mi 'n lìonmhoireachd e gu h-anbarrach. Dà cheannard deug ginidh fe, agus ni mi e 'na chinneach mòr.

21 Ach mo choi'-cheangal daingnichidh mi re h-Isaac, a bheireas Sarah dhuit 'san àm fo anns an ath bhliadhna.

22 Agus sguir e bhi labhairt ris^e ; agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'na thigh, agus iadsan uile a cheannchadh le airgiod-san, gach firionnach a' measg dhaoine tighe Abraham ; agus thimchioll-ghearr e feoil an roimh-chroicinn anns a' cheart là sin féin, mar a thubhairt Dia ris.

24 Agus bha Abraham ceithir fichead agus naoi bliadhna deug a dh'aois, 'nuair a thimchioll-ghearradh dha feoil a roimh-chroicinn.

25 Agus bha Ismael a mhac trì bliadhna deug a dh'aois, 'nuair a thimchioll-ghearradh dha feoil a roimh-chroicinn.

26 Anns a' cheart là sin féin thimchioll-ghearradh Abraham, agus Ismael a mhac.

27 Agus thimchioll-ghearradh maille ris uile dhaoin' a thighe, a rugadh 'na thigh, agus iadsan a cheannchadh le h-airgiod o mhac coigrich^f.

C A I B. XVIII.

A GUS dh'fhoillsich an Tighearn e féin da ann an còmhnaid Mhamre^g, agus e 'na shuidhe 'an dorus a' bhùtha ann an teas an là.

2 Agus thog e fuas a shùilean, agus dh'amhairc e, agus feuch, bha triuir dhaoin' a' seasamh laimh ris ; agus 'nuair a chunnaic e iad, ruidh e 'nan coinneamh o dhorus a' bhùtha, agus chròin se e féin gu làr.

3 Agus thubhairt e, Mo thighearna, ma fhuair mi nis deagh-ghean a'd' shùilibh^h, guidheam

^a orra ; uirre Eir. ^b uaipe. ^c bithidh. ^d shlògh. ^e bhi caiont ris, còmhradh ris. ^f o choigrach. ^g aig daragaibh Mhamre. ^h a't' fhianais.